



स्थान के
पहुरा थारु दैनिकके अनलाइन न्यूज
ओ ओकरभिट्टर डारल इ-पेपरमे
देशविदेशसे हमार अनलाइन न्यूज
ओ पत्रिका पहे सेक्वी ।

थारु भाषाके 'क' वर्गके राष्ट्रिय दैनिक

भाषा, संस्कृति ओ समाचारमूलक पत्रिका

पहुरा



PAHURA
NATIONAL DAILY

विवाह पवित्र बन्धन हो,
विवाहलाई लेनदेनको विषय
नबनाओ,
विवाहमा दाईजो लिने र दिने
काम नगरौं,
दाईजोका कारण हुने हिंसा
अन्त्य गरौं ।



नेपाल सरकार
विज्ञापन बोर्ड

वर्ष २४ अंक ०८ वि.सं. २०८३ सावन ०८ गते शुक्र थारु सम्वत (२६४९)

[Friday 24 July 2026]

(मोल रु. ५ ।- पेज ४)

बेखर्ची बन्लै सरकारी कार्यालय

आयात, निर्यात घटेबेर घटल राजस्व

पहुरा समाचारदाता
धनगढी, ७ सावन । सुदूरपश्चिम प्रदेश सरकार मातहतके सरकारी कार्यालय बेखर्ची बनल बटै ।

प्रदेश सरकारसे ल्यानल बजेट पारित हुई नैसेकलपाछे प्रदेश मातहतके सरकारी कार्यालय बेखर्ची बनल हुइत । सरकारसे चालु आर्थिक वर्षके लाग प्रदेश सभामे प्रस्तुत करल बजेट पारित नैहुइलपाछे नयाँ आर्थिक वर्ष बजेट शून्यतासे गुज्जटी रहल बा ।

यी आर्थिक वर्षमे बजेट खर्च अवरुद्ध हुइल बा । सरकारसे बजेट पारित करे नैसेकलपाछे ओकर नाकारात्मक नतिजा विकास लगायत सरकारी कार्यालयसे भोगटी रहल बटै । अल्पमतमे परल ओरसे सरकारसे अपनही ल्यानल बजेट पारित कराई नैसेकल ।

चालु आर्थिक वर्षके बजेट ओ कार्यक्रम पारित नैहुइलपाछे सरकारी कार्यालय बेखर्ची रहल भौतिक पूर्वाधार विकास कार्यालयके प्रमुख रामचन्द्र खत्री बटैलै ।



उहाँके अनुसार भौतिक पूर्वाधार कार्यालयसे बहुवर्षीय योजनाके अनुगमन, निरीक्षण लगायतके कार्यके लाग 'कन्टिजेन्सी' से खर्च करटी रहल बा । "गैलवर्ष ठेक्का हुसेकल बहुवर्षीय आयोजनाके काम रोकल नैहो ।

ओ, बजेट पारित हुइल/नैहुइलसंग ठेकेदारके सरोकारफे नैहुई", खत्री कहलै, "गुणास्तरीय काम हुइटी रहल बा/नैहो कहिके अनुगमन

हुइटी रहल बटै । यकर लाग कन्टिजेन्सीसे खर्च कैना कार्य हुइटी रहल बा ।"

खत्रीके अनुसार बहुवर्षीय योजनाके लाग सरकारसे दायित्व ओ सोत सुनिश्चितता करसेकल ओरसे ओकर बजेट खर्चमे समस्या नैहो । मने, सालबसाली नयाँ योजना भर कार्यान्वयन हुई सेकल नैहो ।

उहाँ कन्टिजेन्सीसे तीन

प्रतिशत बजेट खर्च करे पैना अधिकार पूर्वाधार विकास कार्यालयहे रहल बटैलै । "सरकारके बजेट आइलपाछे बिलके आधारमे फिर्ता कैना करके कन्टिजेन्सीमे रहल बजेट तीन प्रतिशतसम खर्च करे सेक्जाइठ", खत्री कहलै, "उहीसे खर्च कैना कार्य हुइटी रहल बा ।"

प्रदेश सरकारके बजेट खर्च अवरुद्ध हुइलेसेफे कार्यालय सञ्चालनमे बटै । दैनिक कामकाज हुइटी रहल बटै ।

यी क्रममे कार्यालय सञ्चालन प्रयोजनके लाग टमान अत्यावश्यकीय चिजसे लेके सवारी साधन सञ्चालनके लाग बजेटके खर्चो परठ । अब्बे प्रदेशके बजेट पारित नैहुइलपाछे बजेटविन यैसिन कार्य हुइटी रहल बटै ।

प्रदेश लेखा नियन्त्रकके कार्यालयके प्रमुख वासुदेव जोशीसे बजेट खर्च अवरुद्ध हुइलेसेफे कार्यालयके कामकाजमे कौनोफे टरेउप्पर नैरहल बटैलै ।

सामान्य रुपमे पहिलेके जस्टे कामकाजहुके हुइटी रहल कहटी उहाँ आघे ठप्लै, "बजेट खर्च अवरुद्ध हुइलपाछे खास करके विकास निर्माण सम्बन्धी कार्य कैना कार्यालयहे समस्या हो ।

हमार कार्यालयमे ओसिन समस्या हुइल नैहो । सामान्य रुपमे चल्टी रहल बा ।" यी आघे, आर्थिक वर्ष २०८१/८२ मे फे बजेट पारित नैहुइलपाछे प्रदेशमे बजेट शून्यताके अवस्था सृजना हुइल रहे ।

उ बेला दुई महिनासम बजेटविन कार्यालय सञ्चालन हुइल रहित ।



पहुरा समाचारदाता
धनगढी, ७ सावन । कैलाली भन्सार नाकाके राजस्व संकलन घटल बा ।

आयात, निर्यात घटलपाछे राजस्वफे घटल हो । गैल आर्थिक वर्ष २०८२/८३ मे यी भन्सार कार्यालयसे राजस्व असुलीके लक्ष्यसमेत हासिल करे नैसेकल ।

ओस्टेक, अधिल्ला आर्थिक वर्ष २०८१/८२ के तुलनामेफे कम राजस्व संकलन हुइल कैलाली भन्सार कार्यालयसे जानकारी डेहल बा । गैल आर्थिक वर्षमे नौ अर्ब ७१ करोड १५ लाख रुपया राजस्व संकलनके लक्ष्य राखल रहे । मने, वर्षभरमे आठ अर्ब ३९ करोड ९५ लाख (८६.४८ प्रतिशत) राजस्व उठल जनाइल बा ।

भन्सार कार्यालयसे भन्सार महसुलसे दुई अर्ब ५ करोड ५ लाख, मुख्य अभिवृद्धि करसे तीन अर्ब ६६ करोड ९३ लाख रुपया राजस्व संकलन करल बा । ओस्टेक करके, अन्तः शुल्कसे १४ करोड ९३ लाख ओ अन्यसे एक अर्ब ७२ करोड ४० लाख रुपया राजस्व संकलन करल बा । अधिल्ला आर्थिक वर्षमे

भन्सार कार्यालयसे आठ अर्ब ६६ करोड ९८ लाख (७७.६७ प्रतिशत) रुपया राजस्व संकलन करल रहे । यी आर्थिक वर्षमे भन्सारसे ११ अर्ब १६ करोड २६ लाख रुपया राजस्व संकलन कैना लक्ष्य राखल रहे ।

भन्सार कार्यालयसे लगातार दुई आर्थिक वर्ष लक्ष्य अनुसार राजस्व संकलन करे नैसेकल हो । कैलाली भन्सार नाकासे आयात घटल ओरसे राजस्व संकलन घटल सूचना अधिकारी भन्सार अधिकृत प्रकाश तिमिल्सिना बटैलै ।

उहाँक अनुसार यी भन्सारमे सबसे ढेर राजस्व असुली पेट्रोलियम पदार्थके आयातसे हुइना करठ । मने, पेट्रोलियम पदार्थके आयात घटटी गैल बा ।

कैलाली भन्सारसे भारतओर निर्यात बहुट कम रहल ओरसे निर्यातवापतके राजस्व खास ढेर नैहो । अस्टे, गैल भदौमे हुइल ओरसे जेनजी आन्दोलनके प्रभावके कारणफे लक्ष्य अनुसार राजस्व संकलनमे बाधा हुइल तिमिल्सिनाके कहाई बा ।

पदाधिकारीके बिमामे अनियमितता

पहुरा समाचारदाता
कञ्चनपुर, ७ सावन । कञ्चनपुरके बेलौरी नगरपालिका पदाधिकारीनके जीवन बिमा कराके करिब पौने पाँच लाख रुपियाँ अनियमितता करल पाइल बा ।

नगरपालिकासे आर्थिक वर्ष २०८१/८२ मे ४८ जाने पदाधिकारीके म्यादी जीवन बिमा कैटी चार लाख ७३ हजार ३३६ रुपियाँ अनियमितता करल हो ।

सुदूरपश्चिम प्रदेशके स्थानीय तहके पदाधिकारी तथा सदस्यके सुविधासम्बन्धी ऐन, २०७६ अनुसूची १ (ख) बमोजिम पालिकाके सदस्यसे पैना सेवा सुविधा उल्लेख करल बा । ऐनमे उल्लेख हुइल अनुसार नगर सभाके

सदस्य सरकारी कामके सिलसिलामे अधिकतम १० लाखसमके यात्रा दुर्घटना बिमा करे सेकजैना व्यवस्था कैलेसे फेन म्यादी जीवन बिमासम्बन्धी भर उल्लेख नैहो ।

नगरपालिकासे भर नगर सभाके ४८ जनहनके पदाधिकारीके म्यादी जीवन बिमा कैके चार लाख ७४ हजार ३३६ रुपियाँ अनियमितता करल महालेखा परीक्षकके प्रतिवेदनमे उल्लेख रहल बा ।

ओस्टके बेलौरी नगरपालिकासे आव २०८०/८१ मे फेन ४९ जाने पदाधिकारीके नाउँमे म्यादी जीवन बिमा करल महालेखाके प्रतिवेदनमे उल्लेख बा । नगरपालिकासे उ आवमे म्यादी जीवन बिमा करल बापत प्रभु महालक्ष्मी

जीवन बिमा कम्पनीहे दुई लाख ६१ हजार ९७० रुपियाँ भुक्तानी करल रहे ।

आन्तरिक सोत न्यून रहल अवस्थामे नगरपालिकासे पदाधिकारीके सेवा सुविधामे अनावश्यक खर्च करे लागलपाछे विकासनिर्माणके काम भर प्रभावित बनल यहाँके स्थानीयके गुनासो रहल बा ।

शहिद दशरथचन्द्र विश्वविद्यालय ऐन हतारमे ल्यानगिल

पहुरा समाचारदाता
धनगढी, ७ सावन । सत्याग्रही प्राध्यापक डाक्टर गोविन्द केसीसे माफिया ओ ओइनके मतिथारके स्वार्थ पूर्ति कैना हतारमे शहिद दशरथ चन्द्र मेडिकल विश्वविद्यालय ऐन ल्यन्ना कार्य हुइल जिकिर करलै ।

टमान पाँच बूँदे मागसहित बिफेसे धनगढीमे आमरण अनशन बैठटी केसीसे गेटा मेडिकल कलेज सञ्चालनके अन्तिम तयारी हुइटी रहल बेला स्वार्थ पूर्तिके लाग विश्वविद्यालय लडना कार्य हुइल जिकिर करलै ।

उहाँ दशकौसे विशिष्ट सेवा डेटी आइल त्रिवि चिकित्सा शास्त्र अध्ययन संस्थान (आइओएम) वा बिपी कोइराला स्वास्थ्य विज्ञान प्रतिष्ठान जैसिन स्थापित संस्थाहे पन्छाके गेटामे नयाँ संरचना थोपार्ने कार्य हुइल उल्लेख करलै । ऐनमे विवादित

प्रावधान राखके अमूक निजी संस्थाके व्यक्तिहे उपकल्पित तथा रजिष्टर नियुक्त कैना कार्य हुइटी रहल केसीके कहाई बा ।

उहाँ मेडिकल कलेज वा विश्वविद्यालय वा प्रतिष्ठान खोलेक लाग तीन सय शैयाके अस्पताल पूर्ण रुपमे तीन वर्षसम सञ्चालन हुसेकलपाछे केल्ह चिकित्सा शिक्षाके पढाइ सञ्चालन करे सेक्ना स्पष्ट परलै । "संरचना बनाइल यत्रा हुसेकल, तुरुन्त सञ्चालन कर कना बाट ऐनमे नैहो", केसी ठप्लै, "अस्पतालमे बिरामी नैहो, क्यापासिटीफे नैहो ।

आब यैसिनमे एमबिबिएस भर्ना करलेसे बिरामी उपचार कैना नाही मने मुवैना डाक्टर बन्ही । नेपाल राष्ट्रिय चिकित्सा शिक्षा ऐन २०७५ से २०८५ भिट्टर चिकित्सा शिक्षाहे पूर्ण रुपमे गैरनाफामूलक बनेना मार्गचित्र तय करले बा । मने, वर्तमान (बाँकी ४ पेजमे)

सुदूरपश्चिम प्रदेशको अत्याधुनिक सुविधा सम्पन्न

Advanced Healthcare for all...

निसर्ग हस्पिटल

एण्ड रिसर्च सेन्टर प्रा.लि.

विशेषज्ञ डाक्टर तथा ओ.पि.डी सेवाहरू

जनरल फिजिसियन (पेट, छाती, मुटु) रोग विशेषज्ञ	रेडियोलोजी विशेषज्ञ	न्युरो, गस्त्रिक, नशा तथा मेरुदण्ड रोग विशेषज्ञ	हाडजोर्नी तथा स्पोर्ट्स फिजियोथेरापिस्ट
हाडजोर्नी तथा नशरोग विशेषज्ञ	जनरल तथा ल्याप्रोस्कोपिक सर्जन	स्त्री तथा प्रसूति रोग विशेषज्ञ	नवजात शिशु तथा बालरोग विशेषज्ञ
नाक, कान, घाँटी तथा थाइरोइड रोग विशेषज्ञ	एनेस्थेसिया तथा क्रिटिकल केयर विशेषज्ञ	मुख, अनुहार तथा बङ्गारा विशेषज्ञ	मानसिक तथा नशा रोग विशेषज्ञ
घाला, चोट, कुष्ठरोग तथा सौन्दर्य विशेषज्ञ	मृगौला तथा मुत्ररोग विशेषज्ञ	मुटु रोग विशेषज्ञ	

Hasanpur, Dhangadhi-5, Kailali, Nepal
091-527000/01/02, 9865680100, 9804600745
www.nisargahospitalnepal.com / nisargahospitalnepal

टीकापुर अस्पताल ०९१-५४६५३५०
दमकल १०१
नेपाल रेडक्रस सोसाइटी ०९१-५२१३३३
केलाल टी.बा.सं.५२३१७३, ५२३१७१
प्रमुखतः ५२३६००
सामुदायिक प्रमुखतः सेवा टीकापुर ९८४८५५५५५०
विद्युत : ५२११५५
दिनेश मेडल ०९१-५२३१२९२
होटल
डिजिटली ०९१-५२३९९८/५२५३९१
जगन्मोहिनी ०९१-५२३५३१, विद्या ०९१-५२३२७३
तम्घा ०९१-५२५६१३, सनलाल ०९१-५२५५३६
वल्ड फेनल धनगढी ५२०१५१
बालुवाजा ०९१-५२३८२०/५२३९१०
नेपाल पत्रकार महासं. ५२३९५२
शैक्षिक संस्था
केलाली बहुमुखी क्याम्पस ०९१-५२३५३३
सुदूरपश्चिमाञ्चल क्याम्पस ०९१-५२३९९२
व्याप्त बहुमुखी क्याम्पस ०९१-५२५००१
राजनैतिक पार्टी
नेपाली काँग्रेस कार्यालय : ५२५१५५
नेकपा (एमाले) कार्यालय : ५२५०५०
बसपाका कण्डुपट्ट धनगढी : ५२३२५२
एफ.एम.
विद्युत प्रफ.सं. १३.१. नेपाली ०९१-५२६००९

सुदूरपश्चिमके पहाडी जिल्लामे बर्खा लागलसाथ बहरठ दुर्घटनाके जोखिम

पहुरा समाचारदाता

धनगढी, ७ सावन । सुदूरपश्चिमके पहाडी जिल्लामे बर्खा सुरु हुइलसंगे यात्रा जोखिमपूर्ण बनठ । इ एक चो किल समस्या नै हो, हरेक बर्खामे दोहोरइना समस्या हो ।

डेढ-दुई दशक आधेसम सुदूरपश्चिमके पहाडी जिल्लामे सदरमुकामसम किल सडक सञ्जाल सीमित हुइठ । १०-१२ वर्ष यहाँ सुदूरपश्चिमके गाउँ-गाउँमे सडक पुगद बा ।

गाउँहे जोरना अधिकांश इ साँकिर कच्ची सडक बर्खामे हिला, पहिरोसे धराप बन्ना करठे । जेम्मे करके पहाडी जिल्लामे चला बोलेरो जीप दुर्घटनाके उच्च जोखिममे पर्ना सेकल प्रहरीके अनुसन्धानसे देखल बा ।

बभ्नाडके छविस पाथीभेरा गाउँपालिका-१ के वीरबहादुर नेपाली बर्खा लागलपाछे यात्रा कैना डर लगना बटैले बटै । दैनिक कामकाज, बजार आउजाउ ओ सामान ढुवानीके लग बोलेरो भरपर्ना साधन हुइलफे वर्षातमा यात्रा असुरक्षित हुइना उहाँ बटैले ।

पानी परलपाछे सडक हिलाम्मे रहठ । कबखै गाडी विछुली कहना डर रहठ । कब कालोपत्रे सडकमे निर्धक्क यात्रा कैना पाइल कहटी लागठ, उहाँ कहलै ।

बभ्नाड किल नै हो, दार्चुला, बाजुरा, बैतडी, डोटी, अछाम, डडेल्धुरा लगायत सुदूरपश्चिमके अधिकांश पहाडी जिल्लाके अवस्था वास्ते बा ।

स्थानीय तहसे संघ ओ प्रदेश सरकारके अनुदानमे बजेट पाइल पाछे वर्षासे ग्रामीण सडक विस्तार ते करनै, मने ढेर सडक इन्जिनियरिङ मापदण्डअनुसार निर्माण हुइना नैसेकल ।



कहु सडक अत्यन्त साँकिर बटै, कहु मोडमे गाडी घुमैना मुस्किल बा । बर्खा लागल पाछे हिला, पहिरो ओ भलसे उ सडक भन्नु जोखिमपूर्ण बनठ । इहे वर्षफे बर्खा सुरु हुइनासाथ सडकके कारण बोलेरो जीपहे दुर्घटनाके सिकार बन्नै ।

साउन २ गते डडेल्धुराके अमरगढी नगरपालिका-७ खर्स्याखानमे धनगढीसे दार्चुलाओर जाइटी करके बोलेरो जीप दुर्घटनामे दुई जाने मृत्यु हुइल, जेम्मे चालकसहित तीन जाने घाहिल हुइल । प्रहरीके अनुसार जीप सडकसे करिब चार सय मिटर तल खसल रहे ।

ओकरआधे असार २७ गते बभ्नाडके केदारस्युँ गाउँपालिकामे हुइल जीप दुर्घटनामे तीन जानेक ज्यान गइल । असार ६ गते बैतडीके सिगास गाउँपालिकामे उकालो चढना क्रममे जीप ब्याक हुइबेर करिब दुई सय मिटर तरे खसल रहे । चालक समयमे हामफालके ज्यान जोगल ।

सावन ३ गते बाजुराके हिमाली गाउँपालिकामे हुइल औरे दुर्घटनामे घाहिल हुइल दुई जानेके उपचारके क्रममे

मृत्यु हुइल । उ दुर्घटनामे अन्य सात जाने घाहिल हुइलै । दुर्घटनाके शृङ्खला बहल बवै । प्रहरीके अनुसार दुर्घटनाके मुख्य समस्या वर्षासँगे सडकके अवस्था हो ।

सुदूरपश्चिमके ८८ स्थानीय तहमे अभिन फे अधिकांश ग्रामीण सडक मापदण्डअनुसार निर्माण हुइना नै सेकल हो । वर्षातमे उ सडक हिलाम्मे हुइना, पहिरो जइना ओ सवारी विछलना समस्या वर्षौ दोहोरठ ।

जिल्ला प्रहरी कार्यालय बभ्नाडके प्रहरी निरीक्षक दीपक विष्टके अनुसार इहे वर्ष अब्बेसम वर्षाके कारण मुख्य राजमार्ग बन्द नैहुइलफे ग्रामीण सडकके जीर्ण अवस्थासे दुर्घटना निम्त्याइटी रहल बा ।

उहाँके अनुसार साँकिर सडक, पर्याप्त टर्निङ नैहुइना मापदण्डविपरीत निर्माण हुइल सडक ओ क्षमतासे ढेर यात्रु राख्ना प्रवृत्तिसे दुर्घटना बहटी रहल बा ।

हम्रे तथ्याक्तसेफे दुर्घटनाके मुख्य कारण सडक देखल बटी । ओकरमे चालकसे क्षमतासे ढेर यात्रु राख्ना औरे कारण हो, उहाँ कहलै ।

प्रहरी दुर्घटना न्यूनीकरणके लग चालक ओ यातायात व्यवसायीहे नियमित सचेतना कार्यक्रम सञ्चालन करल जनैले बा । अनुमतिसे ढेर सिट जडान करल गाडी हटेना, ढेर यात्रु बोकल भेटलमे नियन्त्रण कैना ओ स्थानीय तहसँगे समन्वय करके जोखिम घटैना प्रयास हुइटी रहल प्रहरी कहल बा ।

प्रहरीसमक्ष औरे चुनौतीफे बा -

दुर्गम भूगोल ।

प्रहरी निरीक्षक विष्टके अनुसार दुर्घटना हुइल स्थानसम प्रहरी पुगना तीन घण्टासे ढेर समय लगना अवस्था बा । ओकर उद्धार कार्यफे खूब कठिन हुइल करल बा ।

दुर्घटनाके दोष चालकहे फे आइठ, मने बोलेरो जीप चालकके फे अपन दुःख बटीन । बाजुराके बोलेरो चालक भीम बुढा अपनसे दैनिक मृत्युके जोखिम बोक्के स्टेरिड पकरना करके बटैले बटै ।

कबुके सडक असिन बवै, जहाँ गाडी चलाइना ओटके आइम कि नै कहटीफे पटा नै रहठ । दुर्घटना हुइल ढेर दुःख लागठ । मने गाउँके मानिसहे सेवा देनाफे इहे गाडी चलाइक परठ, उहाँ कहलै ।

उहाँके अनुसार गाउँमे सडक पुगलपाछे नागरिकके जीवन सहज बनल बा । बिरामी अस्पताल पुग्न, विद्यार्थी विद्यालय जैना, कृषकसे उत्पादन बजार पुगैना ओ आवश्यक सामग्री गाउँसम ल्यानल बोलेरोसे बरवर भूमिका खेलल बा, मने सडक स्तरोन्नति नैहुइल वहे गाडी अब्बे सबसे ढेर दुर्घटनामे परटी रहल बा ।

करिब ६ सय ५२ किलो गाँजा सहित तीन जे पक्राउ

पहुरा समाचारदाता

सिराहा, ७ सावन । लहान नगरपालिका-३ से अवैध लागुऔषध गाँजा करिब ६ सय ५२ किलोग्राम गाँजा सहित ३ जाने पक्राउ परल बटै ।

पक्राउ परइयामे उहे ठाउँ बैठना ३८ वर्षीया श्याम कुमारी साह, १९ वर्षीय शिवम साह ओ भारत घर रहल ३८ वर्षीय

गौरव महतो रहल बटै । लागुऔषध नियन्त्रण ब्यूरो शाखा कार्यालय सिराहासे खटल प्रहरी श्याम कुमारीके घरके कम्पाउण्डमे पार्किङ करके धारल बा.२१ च ५८६६ नम्बरके पिकअप गाडी तलासी करेबेर गाडीके पाछेक भागमे फलफूलसे छोपके धारल उ परिमाणके गाँजा फेला पारके ओइनहे पक्राउ करल हो ।

लागुऔषध...

अंसारीहे प्रहरी पक्राउ करले बा । चितवनके भरतपुर महानगरपालिका-४ छहारी बसपार्क बैठना ४२ वर्षीय इन्द्र बहादुर श्रेष्ठ समेत ३ जनहे अवैध लागुऔषध खैरो हेरोइन ३ सय ७० मिलिग्राम, नियन्त्रित लागुऔषध ट्रामाडोल ६४ ट्याब्लेट, भोमिन ४१ ट्याब्लेट ओ एनारगन १३ एम्पुल सहित प्रहरी पक्राउ करले बा ।

भक्तपुरके भक्तपुर नगरपालिका-१ सल्लाघारीसे नियन्त्रित लागुऔषध ट्रामाडोल ७ ट्याब्लेट सहित उहे ठाउँ बैठना दोलखा घर रहल १९ वर्षीय पवन खड्काहे प्रहरी पक्राउ करले बा । प्रहरी प्रभाग व्याप्तीसे खटल प्रहरी उहाँहे उ लागुऔषध सहित पक्राउ करल हो ।

मोरङके रंगेली नगरपालिका-६ से अवैध लागुऔषध खैरो हेरोइन १३ ग्राम १ सय ४० मिलिग्राम ओ नियन्त्रित लागुऔषध नाइट्राजेपाम २० ट्याब्लेट सहित ताप्लेजुड फुडलिङ नगरपालिका-२ भेटनरी चोक बैठना २१ वर्षीय संदिप हाडगाम समेत ३ जनहनहे प्रहरी पक्राउ करले बा ।

सर्लाहीके हरिवन नगरपालिका-९ नयाँ रोडसे नियन्त्रित लागुऔषध डाइक्लोमाइन १ सय १ ट्याब्लेट ओ टापेन्टाडोल १ सय ११ ट्याब्लेट सहित उहे नगरपालिका-९ बैठना २४ वर्षीय रूपेश कुमार उप्रेतीहे प्रहरी पक्राउ करले बा । कञ्चनपुरके कृष्णापुर नगरपालिका-६ गजरीला बजारसे अवैध लागुऔषध चरेस ५१ ग्राम ७ सय ४० मिलिग्राम सहित उहे

नगरपालिका-६ बैठना २७ वर्षीय यज्ञ राज भट्टहे प्रहरी पक्राउ करले बा । कञ्चनपुरके बेलौरी नगरपालिका-१० सडकघाटसे अवैध लागुऔषध खैरो हेरोइन १ ग्राम ५ सय ९० मिलिग्राम सहित बेलडाँडी गाउँपालिका-१ बैठना २४ वर्षीय राकेश राना समेत २ जनहनहे प्रहरी पक्राउ करले बा । सुर्खेतके, वीरेन्द्रनगरनगरपालिका-४ रातोपुलसे अवैध लागुऔषध ब्राउनसुगर २ सय ९० मिलिग्राम सहित उहे ठाउँ बैठना ३६ वर्षीय कृष्ण सेन्चुरीहे प्रहरी पक्राउ करले बा । बर्दियाके बडैयाताल गाउँपालिका-२ फुटाहसे अवैध लागुऔषध ब्राउनसुगर ९ सय ६० मिलिग्राम सहित भ्नापा, भ्नापा गाउँपालिका-६ बैठना ३३ वर्षीय अभिषेक केसीहे प्रहरी पक्राउ करले बा । कैलालीके धनगढीउपमहानगरपालिका-४ भगवती टोलसे अवैध लागुऔषध खैरो हेरोइन ६ सय ४१ मिलिग्राम सहित उहे ठाउँ बैठना २८ वर्षीय पुष्कर मल्लहे प्रहरी पक्राउ करले बा ।

जुम्लाके चन्दननाथ नगरपालिका-६ छिना बैठना २३ वर्षीय रबिन्द्र रोकाया समेत ३ जनहनहे अवैध लागुऔषध ब्राउनसुगर ३ सय ३० मिलिग्राम सहित पक्राउ करल बा । रूपन्देहीके सिद्धार्थनगर नगरपालिका-८ अंचलपुरसे नियन्त्रित लागुऔषध डाईजेपाम १ सय ४५ एम्पुल, प्रोमेथाजाइन १ सय ४५ एम्पुल, बुप्रेनोर्फिन १ सय ४५ एम्पुल ओ सिरिन्ज ३ थान सहित दाङ घोराही उपमहानगरपालिका-१३ बैठना २२ वर्षीय प्रवेश घर्ती मगर समेत २ जनहनहे पक्राउ करल बा ।

मनसुन अवधिभर विशेष सावधानी अपनैना प्राधिकरणके आग्रह

पहुरा समाचारदाता

काठमाडौं, ७ सावन । राष्ट्रिय विपद् जोखिम न्यूनीकरण तथा व्यवस्थापन प्राधिकरणसे मनसुन अवधिभर बाढ पहिरो, कटान, डुबान, बाज, सर्पदंश जैसन जोखिमके सम्भावना उच्च हुइल ओरसे विशेष सावधानी अपनैना आग्रह करले बा ।

प्राधिकरणसे जनधनके सुरक्षाके लाग पूर्वसावधानी अपनैना आग्रह करटी यात्रा कैना आधे मौसम तथा सरकारके अवस्थाबारे जानकारी लेना कहल बा । ओस्टे, वर्षाके बेला यात्रा करेबेर चनाखो हुइना ओ सावधानी अपनैना कहल बा ।

भारी पानी परल बेला सेकटसम रातके समयमे यात्रा नैकैना, बाढ आइल बेला खोला, खोल्सा, तथा लडिया नघना प्रयास नैकैना प्राधिकरणसे सूचनामार्फत अनुरोध करले बा ।

वर्षा हुइटी रहल समयमे काठी पक्रना, मच्छरी मर्ना वा पौडी खेल खोला वा लडियामे नैजैना, पहिरोके जोखिम हुइल क्षेत्र आसपास अनावश्यक रूपमे आवतजावत नैकैना प्राधिकरण ध्यानाकर्षण करैले बा ।

जोखिमयुक्त पुल तथा खोलाके किनारामे ठरहयाके फोटु, भिडियो नैखिन्न, पैदलयात्रा तथा 'हाइकिङ'मे सेकटसम ऐक्केली नैजैना विपद्के संकेत देख्लेसे सुरक्षित स्थानमे जैना ओ ओस्टेक करके अपन घरवरपर रहल ढल तथा नाली सफा रख्न, बर्खाके समयमे सापनके कटना जोखिम ढेर हुइल ओरसे घरवरपर सफा रख्न, रात बाहेर नंगेबेर टर्च लाइटके प्रयोग कैना आवश्यक बा ।



बाज परे लग्लेसे तुरुन्त सुरक्षित स्थानमे जैना, महत्वपूर्ण कागजात, अत्यावश्यक औषधि, नैबिग्रन खैनाचिज एक ठो भोलाके सुरक्षित रख्न, मोबाइलमे पर्याप्त ब्यालेन्स ओ ब्याट्री चार्ज करके रख्न प्राधिकरणसे सूचनामार्फत आग्रह करले बा ।

अफवाहके पाछे नैलगना, आधिकारिक स्रोतसे प्राप्त सूचनामे केल्ह विश्वास कैना, मौसम ओ विपद्बारेके आधिकारिक सूचना नियमित सुन्न एवम् हेर्न सचेत कराइल बा ।

विपद्सम्बन्धी सूचना एवम् उद्धारके लाग १२३४, १०० ओ १११४ ओ मौसमसम्बन्धी जानकारीके लाग ११५५ मे सम्पर्क कैना अनुरोध करल बा ।

यी वर्षके मनसुन गैल असार ५ गतेसे सुरु हुसेकल बा । विपद्के कारण भारी जनधनके क्षति हुई नैडेना ओ पूर्वसावधानी अपनाइक लाग प्राधिकरणसे अनुरोध करटी आइल

बा । यिहे बिच, पछिल्का २४ घण्टामे देशभर कुल ४७ ठो विपद्के घटना घटल बटै ।

प्राधिकरणके अनुसार विपद्के कारण रु १३ लाख १० हजार बराबरके अनुमानित क्षति हुइल बा । विपद्मे परके तीन जानेक ज्यान जाईबेर आठ जाने घाहिल हुइल बटै ।

यिहे सावन ५ गते सकारेसे ६ गते बिहानसम सर्पदंश, आगलागीके आठ/आठ ठो घटना घटल बटै । ओस्टे, बाढके २, पहिरो १४, अविरल वर्षा ८, जनावर आक्रमण ३ ओ हावाहुरीके एक घटना घटल बटै ।

गैल वैशाख १ गतेसम हालसम देशभर दुई हजार ३६१ विपद्जन्य घटना हुइल बटै ।

उ घटनामे परके १७३ जानेक मृत्यु, दुई जानेक वेपत्ता तथा एक हजार २०८ जाने घाहिल हुइल बटै । यी अवधिमे चार हजार ८६९ परिवार प्रभावित हुइल प्राधिकरणसे जनैले बा ।

पेट, छाती, मुटु तथा थाईराईड विभाग

उपचार हुने रोगहरु

- उच्च रक्तचाप, दम तथा मुटु रोगको उपचार
- सुगर (मधुमेह), थाईराईड रोगको उपचार तथा परामर्श
- मिर्गी रोग, प्यारालाइसिस (पक्षघात) तथा अन्य नशा सम्बन्धी रोगको उपचार

- छाती दुस्ते, पेट दुस्ते समस्याको उपचार
- ज्वरो आउने, टाउको दुस्ते तथा पुरानो जटिल रोगको उपचार तथा परामर्श

- सिकल सेलरोग तथा अन्य रगत कम (Anemia) को उपचार तथा परामर्श

२४ सै घण्टा आकस्मिक उपचार

ओ.पि.डी. सेवा प्रत्येक दिन (बिहान ८ देखि साँझ ५ बजेसम्म)



डा. सुमन चौधरी

MBBS, MD (KU)
NMC No. 15308

कन्सल्टेन्ट फिजिसियन



धनगढी

संजिवनी अस्पताल प्रा. लि.

१ (राष्ट्र बैंक चौक, धनगढी-५) ७ सम्पर्क नं. ०९१-५९०३२८, ९७६४२१७२७, ९७६९९३२९०५

कैलालीमे संगठित तथा आर्थिक अपराधसम्बन्धी घटना बहूटी

पहुरा समाचारदाता

धनगढी, ७ सावन । कैलालीमे गत आर्थिक बरस २०८२/८३ मे टमान प्रकृतिके एक हजार नौ सय २९ अपराधके घटना दर्ता हुइल बावै ।

जिल्ला प्रहरी कार्यालयके अनुसार उ मध्ये सबसे ढेर संगठित तथा आर्थिक अपराधसम्बन्धी घटना दर्ता हुइल हो । वार्षिक प्रगति विवरणअनुसार यहाँ संगठित तथा आर्थिक अपराधके आठ सय छ मुद्दा रहल बावै । ओस्टके, आत्महत्या अपराधके दुई सय ९८, ज्यानसम्बन्धी अपराधके दुई सय ६५, सामाजिक अपराधके दुई सय ३३, महिला तथा बालबालिकासम्बन्धी अपराधके एक सय ५७, सवारी ज्यानसम्बन्धी ९१ चोरीसम्बन्धी ५५ ओ अन्य २४ घटना दर्ता हुइल बावै ।

कार्यालयके सूचना अधिकारी प्रहरी नायब उपरीक्षक योगेन्द्र तिमिल्सिनाके अनुसार जघन्य तथा गम्भीर अपराधओर १७ कर्तव्य ज्यान, छ हातहतियार, १५ ठो मानव बेचबिखन तथा ओसारपसारके घटना दर्ता हुइल बावै । ओस्टके, आर्थिक अपराधअन्तर्गत तीन सय दुई बैकिङ कसुर, २६ जुवातास, ४८ ठगी, महिला बालबालिका तथा ज्येष्ठ नागरिकसम्बन्धी एक सय ५७ मुद्दा रहल बावै । साथे, लागूऔषध तथा सार्वजनिक नैतिकतासम्बन्धी चार सय ११ मुद्दा दर्ता हुइल बटै ।

ओस्टके, महिला, बालबालिका तथा ज्येष्ठ नागरिकसम्बन्धी पाँच सय २३ उजुरी परलमे अधिकांश पीडित २६ से ४५ बरस उमेर समूहके रहल बटै । घरेलु हिंसाके पाँच सय २३ उजुरीमध्ये चार सय ३८ मिलापत्रसे टुंगल ओ ८५ अदालत पठाइल प्रहरी



जैनैले बा । ओस्टके, बरसभर ९७६ हेराइल व्यक्तिके उजुरी परलमे ९४५ जाने फेला पारल बा । आत्महत्याके २९८ घटनामध्ये १२६ पुरुष, १२० महिला, १६ बालक ओ ३६ बालिका रहल बटै । कार्यान्वयनमे सफलता

जिल्ला प्रहरी कार्यालयसे चालु मुद्दाके प्रतिवादी पक्राउ अभियानहे प्रभावकारी बनाइल जैनैले बा । एक हजार ४३४ मुद्दामे एक हजार ९५० प्रतिवादी पक्राउ करल ओ तीन सय १८ जाने अभिन पक्राउ कैना बाँकी रहल विवरणमे उल्लेख रहल बा ।

ओस्टके, सार्वजनिक चासोके एक सय ५१ फछ्योट हुइना बाँकी मुद्दामध्ये ५५ फछ्योट करल बावै । फैसला कार्यान्वयनओर आठ सय २६ फरार प्रतिवादी पक्राउ कैके २२२ बरस तीन महिना चार दिन कैद सजाय कार्यान्वयन करल बा कलेसे रु दुई करोड २१ लाख दुई हजार ४२ जरिवाना असुल करल प्रहरी जैनैले बा । लागूऔषध नियन्त्रण अभियानअन्तर्गत चार सय ४११ मुद्दा दर्ता कैके ६१९ जनहनहे पक्राउ करल बा ।

ओस्टके, शान्ति सुरक्षा ओर

बरसभर १९ हजार ८० पिकेट ड्युटी, चार हजार ३२० चेकिङ, दुई हजार ५२० ग्रामीण गस्ती ओ १३ हजार ५९७ विशेष गस्ती सञ्चालन कैके कुल ३९ हजार ५२१ चो प्रहरी परिचालन करल कार्यालय प्रमुख प्रहरी उपरीक्षक नरेन्द्र चन्द जानकारी डेलै । आन्दोलन, मेला, महोत्सव तथा विपद्के घटनामे दुई हजार ६२२ प्रहरी परिचालन करल उहाँ बटैले ।

ओस्टके सामुदायिक कार्यक्रमओर दुई हजार ३४६ समुदाय केन्द्रित ओ ३०५ विद्यालय केन्द्रित कार्यक्रम सञ्चालनसे ७८ हजार ४३५ लाभान्वित हुइल बटै । साथे सीमान्तकृत, अल्पसङ्ख्यक ओ पिछरल वर्ग लक्षित ३४ कार्यक्रम सञ्चालन कैके एक हजार ५४२ जनहनहे सहभागी कराइल बा ।

राजस्व संकलन सवारी दुर्घटना तथा ट्राफिक कारबाहीसे सबसे ढेर राजस्व सत्कलन हुइल प्रहरी जैनैले बा । गत आर्थिक बरसमे ६०१ सवारी दुर्घटनामे ८२ जनहनके मृत्यु ओ ९७४ जाने घाइल हुइल रहित ।

उक्त अवधिमे ट्राफिक कारबाहीअन्तर्गत १४ हजार ९२६ सवारीसाधनउपर कारबाही कैके रु एक

करोड ४७ लाख ७५ हजार ५०० राजस्व संकलन करले बा । राजस्व चुहावट तथा भन्सार छली नियन्त्रण अभियानके क्रममे रु सात करोड ३२ लाख ९३ हजार ३५६ बराबरके सामान बरामद करल वार्षिक प्रगति विवरणमे उल्लेख रहल बा ।

ओस्टके, प्राकृतिक सम्पदा दोहन नियन्त्रणअन्तर्गत ८३ सवारीसाधन नियन्त्रणमे लेके रु १२ लाख १८ हजार ७३२ दण्ड जरिवाना, अवैध वन पैदावार चोरी पैठारी नियन्त्रण ओर ४० जनहनहे पक्राउ कैके रु ६३ लाख २४ हजार दुई राजस्व सत्कलन हुइल बा । ओहे बीच प्रहरी १४ हजार ५४५ लिटर अवैध मदिरा ओ सात हजार ६३५ लिटर कच्चा पदार्थ बरामद कैके नष्ट करल जनाइल बा ।

कार्यालय प्रमुख प्रहरी उपरीक्षक चन्द गत आवके अनुभव ओ सिकाइके आधारमे आगामी बरस अपराध नियन्त्रण, फरार प्रतिवादी पक्राउ, लागूऔषध नियन्त्रण ओ समुदाय-प्रहरी साझेदारीहे थप प्रभावकारी बनैना लक्ष्य लेहल बटैले । यम्ने सबकु सरोकारवालासे सहयोग रहलमे समाजमे शान्ति सुव्यवस्था कायम कैना थप सहज हुइना उहाँके कहाइ रहल बा ।

विदेश पठैना ठगीमे दुई जाने पक्राउ

पहुरा समाचारदाता

काठमाडौं, ७ सावन । वैदेशिक रोजगारीमे आकर्षक तलबके प्रलोभनमे पारके कम्बोडिया ओ न्यूजिल्याण्ड पठाडेम कहटी रकम ठगी करल अभियोगमे २ जनहनहे बुधके प्रहरी पक्राउ करले बा ।

पक्राउ परइयामे काठमाडौं तारकेश्वर नगरपालिका-५ बैठना धादिङ त्रिपुरा सुन्दरी गाउँपालिका-७ घर रहल ३७ वर्षीय हरि बहादुर पन्त ओ ललितपुर गोदावरी नगरपालिका-३ बैठना सिन्धुली सुनकोशी गाउँपालिका-

शहिद दशरथचन्द...

सरकार ओ सम्बद्ध निकायसे यकर कार्यान्वयनमे कौनो ठोस गृहकार्य वा तत्परता देखैना कार्य नैहुइल केसीके जिकिर बा ।

स्थापित मूल्य, मान्यता विपरित स्वार्थके दृष्टि हुइना करके दशरथ चन्द मेडिकल विश्वविद्यालय लगायत चिकित्सा शिक्षा आयोगमे करल गैरकानुनी ओ स्वार्थपरक नियुक्ती बदर करके ऐनके विवादित प्रावधान शीघ्र संशोधन करेपना अनशनरत केसीके माग बा ।

ओस्टके करके, चिकित्सा शिक्षा आयोगमार्फत छात्रवृत्ति कटौती कैना ओ मापदण्ड तथा पूर्वाधारबिना निजी कलेजमे

२ घर रहल ४७ वर्षीय अमृत मगर रहल बटै । पक्राउ मध्ये हरि बहादुर कम्बोडिया पठाडेम कहटी २ जनहनमे पीडितसे ५ लाख रूपैया ओ अमृतसे न्यूजिल्याण्ड पठाडेम कहटी १ जाने पीडितसे १० लाख ७० हजार रूपैया लेके सम्पर्कविहीन हुइल कना पीडितके उजुरीके आधारमे काठमाडौं उपत्यका अपराध अनुसन्धान कार्यालय टेकुसे खटल प्रहरी हरि बहादुरहे बुढानिलकण्ठ नगरपालिका-७ से ओ अमृतहे ललितपुर महानगरपालिका-५ से पक्राउ करल हो ।

सिट वृद्धि कैना निर्णय वा प्रस्ताव तत्काल खारेजी कैना माग करल बा । राष्ट्रिय चिकित्सा शिक्षा ऐन २०७५ बमोजिम चिकित्सा शिक्षाहे पूर्ण गैरनाफामूलक बनैना कानुनी प्रावधान शीघ्र कार्यान्वयन कैना एवम् विगतके सरकारसंग हुइल सहमति कार्यान्वयन कैना केसीके माग बा ।

उहाँ जेनजी आन्दोलनमे हुइल जघन्य हत्या, आगजनी, लुटपाट ओ विनाशके दोषीहे कडा कडा कारबाही कैना माग करल बा ।

ओस्टके करके २०४६ से हालसम उच्च पदस्थ राजनीज्ञ, पदाधिकारीसे हुइल भ्रष्टाचार एवम् अपराधके निष्पक्ष छानबिन करके दोषीउत्तर कारबाही कैना केसीके माग बा ।

विपद् जोखिम न्यूनीकरणको पूर्वतयारी गरौं

- ❖ वर्षाको समयमा बाढी पहिरो तथा चट्याङ्गको जोखिम हुन सक्छ,
- ❖ सम्भावित जोखिमको मूल्यांकन गरौं, सचेत बनौं,
- ❖ जोखिमयुक्त स्थानमा नवसौं, सुरक्षित स्थानमा बसौं,
- ❖ नदि किनारा वा भिरालो जमिनमा बसोबास भएकाहरु विशेष सतर्क रहौं,
- ❖ सम्भावित जोखिमबाट बच्न आपतकालीन पूर्वयोजना बनाऔं,
- ❖ घर परिवार र छिमेकीहरूसँग मिलेर सुरक्षित स्थानको पहिचान गरौं,
- ❖ सम्पर्क बिन्दुहरु तय गरौं, सूचना प्रणालीमा आवद्ध होऔं,
- ❖ खाद्यान्न, पानी, प्राथमिक उपचार सामग्री, टर्चलाइट र आवश्यक औषधि आदि तयारी अवस्थामा राखौं,
- ❖ प्रकोप व्यवस्थापन तालिम तथा अभ्यासमा सहभागी बनौं,
- ❖ बालबालिका, वृद्धवृद्धा र अपाङ्गता भएका व्यक्तिको सुरक्षामा ध्यान दिऔं ।



कैलाली गाउँपालिका

गाउँ कार्यपालिकाको कार्यालय

कैलाली

जनावरबाट सर्ने रोगविरुद्ध सावधानी अपनाऔं

- ❖ जनावरसँगको सम्पर्कमा सावधानी अपनाऔं,
- ❖ जनावर छोएपछि साबुनपानीले हात सफा गर्ने बानी बसालौं,
- ❖ पशुपन्छीको स्वास्थ्यमा नियमित ध्यान दिऔं,
- ❖ अस्वस्थ वा मरेका जनावरको सम्पर्कबाट टाढा रहौं,
- ❖ पशुजन्य खाद्य पदार्थ राम्ररी पकाएर मात्र खाने गरौं,
- ❖ पशुबाट मानिसमा सर्न सक्ने रोगबारे सचेत बनौं,
- ❖ जनावरमा असामान्य लक्षण देखिएमा सम्बन्धित निकायलाई जानकारी गराऔं ।

जनावरको स्वास्थ्य, मानव स्वास्थ्यसँग जोडिएकोले सावधानी अपनाऔं



नेपाल सरकार
विज्ञापन बोर्ड

विपद् जोखिम न्यूनीकरणको पूर्वतयारी गरौं

- ❖ वर्षाको समयमा बाढी पहिरो तथा चट्याङ्गको जोखिम हुन सक्छ,
- ❖ सम्भावित जोखिमको मूल्यांकन गरौं, सचेत बनौं,
- ❖ जोखिमयुक्त स्थानमा नवसौं, सुरक्षित स्थानमा बसौं,
- ❖ नदि किनारा वा भिरालो जमिनमा बसोबास भएकाहरु विशेष सतर्क रहौं,
- ❖ सम्भावित जोखिमबाट बच्न आपतकालीन पूर्वयोजना बनाऔं,
- ❖ घर परिवार र छिमेकीहरूसँग मिलेर सुरक्षित स्थानको पहिचान गरौं,
- ❖ सम्पर्क बिन्दुहरु तय गरौं, सूचना प्रणालीमा आवद्ध होऔं,
- ❖ खाद्यान्न, पानी, प्राथमिक उपचार सामग्री, टर्चलाइट र आवश्यक औषधि आदि तयारी अवस्थामा राखौं,
- ❖ प्रकोप व्यवस्थापन तालिम तथा अभ्यासमा सहभागी बनौं,
- ❖ बालबालिका, वृद्धवृद्धा र अपाङ्गता भएका व्यक्तिको सुरक्षामा ध्यान दिऔं ।



भजनी नगरपालिका

४ नम्बरको कार्यालय

खैलाड, कैलाली

सुवर्ण अवसर ! सुवर्ण अवसर !! सुवर्ण अवसर !!!

कैलाली अस्पताल प्रा.लि

Provide Health Related Services

सेवाहरु :

- ❑ मधुमेह(सुगर)
- ❑ थाइराइड रोग
- ❑ पेट,मुटु तथा छातिरोग
- ❑ कलेजी रोग
- ❑ TB, हेपाटाइटिस रोग
- ❑ ब्लडप्रेसर तथा हृदयरोग
- ❑ मोटोपना

डा. अकाश राउत
MBBS, MD (TJ), Internal Medicine
Senior Consultant Physician
NMC NO. 20304

➤ आउने समय : प्रत्येक दिन (२४ घण्टा)

डाक्टर आउने समय : प्रत्येक दिन, आकस्मिक सेवा (चिकित्सक) २४ घण्टा

हाम्रा सेवाहरु : १) २४ घण्टा ईमर्जेन्सी सेवा, फार्मसी सेवा, अत्याधुनिक प्याथोलोजी, रंगीन इण्डोस्कोपी, डिजिटल एक्सरे, रंगीन भिडियो एक्सरे, अत्याधुनिक अप्रेसन थियटरबाट सेवा, वातानुकूलन एम्बुलेन्स, वातानुकूलन क्याबिन । २) स्त्री रोग तथा प्रसूती सम्बन्धी सेवा (बाँझोपन, सेतोपानी बग्ने, तल्लो पेट दुख्ने, महिनावारी गडबडी, पाठेघर खस्ने, पाठेघरको अप्रेसन, गर्भवती तथा सुत्केरी सेवा) । ३) ल्याप्रोस्कोपी तथा जनरल सर्जरी (हाइड्रोसिल, हर्निया, पायल्स, फिस्टुला, स्तनमा गाँठागुठी आउने, शरिरका विभिन्न भागमा गाँठागुठी, घाउ खटिरा, पत्थरी, किडनीको पत्थरी, प्रोस्टेटको अपरेसन तथा पित्तथैलीको पत्थरी अपरेसन) । ४) हाड(जोर्नी) तथा नशा सम्बन्धी सेवा (हाटखुट्टा बाङ्गे, फ्याक्चर, हाडजोर्नीको दुखाई, कम्मर दुख्ने तथा अत्याधुनिक मेसिनबाट हड्डीको अप्रेसन)छाती, मुटु, कलेजो तथा पेट सम्बन्धी सेवा । ५) यौनरोग, कपाल तथा छाला रोग सम्बन्धी सेवा । ६) मानसिक तथा मनोरोग सेवा । ७) नाक, कान, घाँटी रोग सम्बन्धी सेवा । ८) मुछाँ पनुं, टाउको दुख्ने जस्ता समस्याहरु, प्यारालाइसिस हातखुट्टा नचल्ने सम्बन्धी सेवा । ९) न्यूरो (नशा रोग) लागुपदार्थ दुर्व्यसनी, कुलत सम्बन्धी, हाटखुट्टा भ्रमभ्रमाउने, छारे रोग । १०) आगोले पोलेको हातखुट्टा बाङ्गिएको र खुँडेको अप्रेसन आदि सेवा ।



कैलाली अस्पताल प्रा.लि

जिल्ला प्रशासन कार्यालय अगाडि, पशुपति टोल, धनगढी, कैलाली

फोन नं. ०९१-५२४५५५, ५२४६५४, ५२९२४९